

Broj:01- 02/2-3787/23 SK
Sarajevo, 11.12.2023. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
DOM NARODA**

**n/r gđin. Izmir Hadžiavić, sekretar
n/r gđa. Vedrana Vujović, delegatkinja**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 15-12-2023			
Org. jed.	Broj	Priloga	Vrijednost
02	02 - 452	23	

Predmet: Odgovor na delegatsko pitanje, **dostavlja se-**

Veza: Vaš akt broj: 02-02-452/23 od 04.12.2023. godine

Poštovani,

Aktom Vlade Federacije BiH broj: 03-04-1430-1/2023 od 06.12.2023. godine, Federalnom ministarstvu rada i socijalne politike dostavljeno je delegatsko pitanje koje je na 5. sjednici Doma naroda Parlamenta Federacije BiH, održanoj 27.11.2023. godine, postavila delegatkinja Vedrana Vujović, a koje glasi: „Koji je plan i namjera Vlade Federacije BiH da od naredne godine, počevši od 01.01.2024. godine, ublaži pad životnog standarda penzionera u Federaciji BiH?“

U vezi sa navedenim pitanjem ističemo da je Zakonom o penzijskom i invalidskom osiguranju („Službene novine Federacije BiH“, br. 13/18, 90/21 i 19/22), propisano da se penzije usklađuju 15. aprila svake godine na način da se usklađivanje vrši u visini zbira 50% procenta porasta potrošačkih cijena i 50% procenta porasta bruto domaćeg proizvoda u Federaciji u prethodnoj godini, a prema podacima Federalnog zavoda za statistiku, osim penzija ostvarenih u godini u kojoj se vrši usklađivanje, a najviše do stope rasta bruto domaćeg proizvoda u prethodnoj godini.

Također, Zakonom je propisana i mogućnost vanrednog usklađivanja penzija i to jednom u tekućoj godini ako je stopa rasta realnog bruto domaćeg proizvoda u prethodnoj godini veća od 3% i ako nema akumuliranog deficita budžeta Federacije, a najviše do stope rasta realnog bruto domaćeg proizvoda u prethodnoj godini.

Federalno ministarstvo rada i socijalne politike, odnosno Vlada Federacije BiH, će poštujući odredbe Zakona o penzijskom i invalidskom osiguranju u narednoj godini izvršiti redovno usklađivanje penzija, kao i vanredno usklađivanje penzija, ukoliko za to budu ispunjeni Zakonom propisani uvjeti.

Prema trenutnim pokazateljima na osnovu podataka koje objavljuje Federalni zavod za statistiku, može se dati projekcija nivoa redovnog usklađivanja penzija za 2024. godinu u skladu sa članom 79. Zakona o penzijskom i invalidskom osiguranju, koja bi po trenutnim pokazateljima iznosila 7,6%.


Međutim, napominjemo da je prisutan trend smanjenja pokazatelja prema kojima se vrši određivanje stope usklađivanja penzija npr. II kvartal rasta BDP-a u odnosu na I kvartal je značajno manji i očekuje se daljnje smanjenje. Isto je i za rast potrošačkih cijena, npr. u periodu I-VI 2023/I-VI 2022. godine je bio 8,9 %.

Napominjemo da je procjenu stope redovnog usklađivanja veoma teško izvršiti u ovom trenutku jer BDP za cijelo II polugodište 2023. godine, kao i potrošačke cijene za XI i XII 2023. godine nisu još zvanično objavljene od strane Federalnog zavoda za statistiku.

Konačno, ističemo da Federalno ministarstvo rada i socijalne politike, u saradnji sa Federalnim zavodom za penzijsko i invalidsko osiguranje i Federalnim ministarstvom finansija, planira povećati iznos sredstava predviđenih za banjsko liječenje penzionera.

Pored navedenog, a u cilju poboljšanja položaja penzionerske populacije, Federalno ministarstvo rada i socijalne politike je kroz Javni poziv za dodjelu sredstava s pozicije Tekućeg transfera drugim nivoima vlasti i fondovima – Podrška Europske unije Bosni i Hercegovini s ciljem ublažavanja negativnog socio-ekonomskog utjecaja energetske krize, kao jednu od kategorija prepoznao i penzionere. S tim u vezi, preko 115.000 pripadnika ove populacije biće obuhvaćeno ovom podrškom u iznosu od cca 350 KM.

S poštovanjem,



Dostavljeno:

- naslovu
- dr.sci. Edita Kalajdžić, sekretar Vlade Federacije BiH
- Veza: Vaš akt br. 03-04-1430-1/2023 od 06.12.2023. godine
- a/a